

Morning Dogri (NSD) National News Bulletin 21-03-2024

आकाशवाणी

- प्रधानमंत्री नरेन्द्र मोदी होरें आक्खेआ ऐ जे भारत दी प्राचीन ते अनत्रुट्ट लोकतांत्रिक संस्कृति गल्लबात ते आजादाना चर्चा कन्नै सरबंधत ऐ।
- भारतीय रिजर्व बैंक नै बैंकें गी 31 मार्च गी सब्बने शाखाएं गी खुल्ला रखना जकीनी बनाने गी आक्खेआ ऐ।
- असम पुलस नै भारत दे आईएसआईएस आतंकी गुट दे सरगना हरीस फारूकी गी गिरफ्तार कीता।
- भारत नै हांगकांग जाने आले नागरिकें लेई उत्थें पुज्जने कोला पैहले पंजीकरण सरबंधी सलाह जारी कीती ऐ।
- स्विस ओपन सुपर 300 बैडमिंटन प्रतियोगिता च भारत दे सतीश कुमार करुणाकरण ते आध्या वैरीयथ होर मिक्सड डबल्स प्री-कवार्टर फाइनल च पुज्जी गे न।

<><><><><><>

PM

प्रधानमंत्री नरेन्द्र मोदी होरें आक्खेआ जे भारत दी प्राचीन ते अनत्रुट्ट लोकतांत्रिक संस्कृति ऐ। दक्खन कोरिया दे सेओल च लोकतंत्र लेई सम्मेलन वर्चुअल ढंगै नै अपनी टिप्पणी सांझा करदे होए उनें आक्खेआ जे आम राएं बनाना, खल्ले तौरा पर गल्लबात ते अजादाना चर्चा भारतीय इतिहास एहदी अवाज सनेई दिती ऐ। सी मोदी होरें आक्खेआ जे हुनै थमां किश हफते च विश्व भारत च सब्बने शा बड्डे ध्यार दा गवाह बनोग। उनें आक्खेआ जे एह मानवता दे इतिहास च सब्बने शा बड्डा चुनावी अभियान च कोई 1 अरब मतदाताएं दा अपने हक्कै दा इस्तेमाल करने दी मेद ऐ। उनें आक्खेआ जे भारत दे लोक/लोकतंत्र च इक बारी फही जकीन पक्का करोग।

<><><><><><>

Banks 31st March

भारती रिजर्व बैंक नै सब्बने बैंकें गी सलाह जारी कीती ऐ जे ओह एतवारें 31 मार्च गी बी अपनी सब्बे शाखां खुल्लियां रक्खन। एह सलाह सरकारी लैने-देन आस्तै सब्बने बैंकें गी 31 मार्च गी खुल्ला रखने दी सरकार दी गुजारश दे बाद आई ऐ। एहदा मकसद लैने-देन कन्नै सरबंधत सारे सरकारी स्हाब-कताब गी चालू माली बरे दे अंदर गै तोड़ चाढ़ना ऐ।



ISIS Arrest

असम पुलस दे विशेष कार्यबल नै इक बड्डी कामयाबी हासल करदे होई भारत च सक्रिय आतंकवादी गुट आईएसआईएस दे मुखिया हरीम फारूकी गी इक होर सैहयोगी दे कन्नै धुबरी च गिरफ्तार करी लैता। असम पुलस दे मुखज जन संपर्क अधिकारी होरें दस्सेआ जे केन्द्री एजेंसिएं आस्सेआ दित्ती गेदी खुफिया जानकारी दी बिनाह उप्पर विशेष कार्यबल नै इनें दौनें गी इस बेल्लै गिरफ्तार कीता जिसलै ओह बन्ना पार करै करदे हे। सूत्रें दस्सेआ जे इनें दौनें आमंकवादिएं गी राश्ट्री जांच एजेंसी एनआईए दे हवाले करी दित्ता जाग।



Telangana

लोकसभा चुनां लेई तेलंगाना च केन्द्री पुलस बल दियां तकरीबन 40 कंपनियां राज्य दे बक्ख-बक्ख जिले च पुज्जी गेइयां न। चुनां अधिकारी नै दस्सेआ जे पुलस बल बक्ख-बक्ख थाहरै पर फलैग मार्च करै करदा ऐ।



IMD-Weather

भारतीय मौसम विभाग नै इस म्हीने दी 23 तरीक तोड़ी उत्तर-पूर्वी भारत, पच्छम बंगाल ते सिक्किम च अंधी-चक्खड़ कन्नै बरखें दी पेशनगोई कीती ऐ। मौसम विभाग नै अज्ज तोड़ी गंगा कंठे आले पच्छम बंगाल, बिहार ते झारखंड च हल्की थमां दरमेयानी दस्ते दी बरखा कुतै-कुतै अंधी चक्खड़, बिजली पौने दी बी पेशनगोई कीती ऐ। मौसम विभाग नै आक्खेआ जे बाद च बरखें च किश कमी आई जाग।

तोआई राष्ट्रीय राजधानी च अज्ज बडलै ठंडी हवा चला'रदी ही। मकामी मौसम केन्द्र मताबक अज्ज दिल्ली च गासे च बद्दल अदू-दुबे दे होंगन। अज्जै दा बद्धोबद्ध तापमान 32 डिग्री सैल्सियस ते घट्टोघट्ट तापमान 15 डिग्री सैल्सियस हा।



IOC-Russia

अंतराष्ट्रीय ओलंपिक समिति नै घोषणा कीती ऐ जे रूस ते बेलारूस दे खडारी पैरिस खेड्डे दे उद्घाटन समारोह ते परेड च हिस्सा नेई लेई सकदे। समिति दे डरैक्टर जेम्स मैकलियोड होरें आक्खेआ ऐ जे कोई बी खडारी अपने मुख्य दे झंडे दे बगैर परेड च हिस्सा नेई लेई सकोग की जे ओह व्यक्तिगत खडारी होग। उनें आक्खेआ जे ऐसे खडारिएं दे समापन समारोह च हिस्सा लैने दे बारे च अजें तगर कोई फैसला नेई लैता गोआ ऐ। तोआई रूस दे प्रवक्तादमित्री पेस्कोव होरें आक्खेआ ऐ जे इस चाल्ली दे फैसले कन्नै ओलंपिक खेड्डे दी मूल भावना नश्ट होग। यूक्रेन पर रूस दे हमले दे बाद रूस ते बेलारूस दे खडारिएं केई अंतराष्ट्रीय प्रतियोगिताएं च हिस्सा लैने पर रोक लाई दित्ती गई ही। हालांके ओलंपिक लेई क्वालीफाई करने आले रूस ते बेलारूस दे खडारी अपने राष्ट्री झंडे ते राष्ट्रगान दे बगैर खेड्डे च हिस्सा लेई सकदे न।



India-UN

भारत नै सुरक्षा काउंसल च सुधारें दा बरोध करने आले यूएफसी मॉडल दी निंदेआ कीती ऐ। भारत नै आक्खेआ ऐ जे इस मॉडल च अफ्रीका ते वैश्विक दक्खन दा प्रतिनिधित्व नेई होने ते स्थाई सीटें च बदलाव नेई करने दी नीति उचित नेई ऐ। संयुक्त राष्ट्र च भारत दी स्थाई प्रतिनिधि रुचिरा कम्बोल होरें आक्खेआ जे एह मॉडल मते सारे सदस्य मुख्खें दे वोट दे खलाफ ऐ जेह्डे सुरक्षा काउंसल दी स्थाई ते अस्थाई सीटें च विस्तार चांहूदे न। सुरक्षा काउंसल च सुधारें दे बारे च अंतर-सरकारी संवाद बैठक च इटली आस्सेआ पेश मॉडल पर उनें आक्खेआ जे यूएफसी च 12 मुख्य ते 2 निगरान मुख्य न ते उंदा नजरिया संयुक्त राष्ट्र दे मते सारे सदस्य मुख्खें दे खलाफ ऐ।

रुचिरा कम्बोज होरें इब्बी आक्खेआ जे सुरक्षा काउंसल दी स्थाई सीटें च अफ्रीका ते वैश्विक दक्खन दा पूरा प्रतिनिधित्व इक निर्विवाद लक्ष्य ऐ।



Hong Kong

भारत दे कंसुलेट जनरल होरें हांगकांग जाने आले भारती यात्रिएं लेई आमद शा पैहले पंजीकरण-पीएआर परामर्श जारी कीता ऐ। हांगकांग दे वशेष प्रशासनिक खेत्तर-एच.के.एस. आर.ए च 14एं दिनें शा मते चिरै तोड़ी नेई रौहने दी योजना बनाने आले भारती नागरिकें गी ऑनलाइन, आमद शा पैहले पंजीकरण लेई आवेदन करना जरूरी ऐ। एह पंजीकरण 6एं महीनें दी अवधि ते केई यात्राएं लेई वैध ऐ। पीएआर ते पासपोर्ट दा बयौरा आपू'चै मेल खंदा होना लोडचदा ऐ। भारत दे कंसुलेट जनरल होरें भारती बसनीकें गी इस सरबंधे च हांगकांग विशेष प्रशासनिक खेत्तर दी सरकार दे नियमें दी पालमा करने दी गुजारश कीती ऐ तां जे उनेंगी कुसै बी किस्मै दी असुविधा नेई होए।



Swiss Open

स्विस ओपन सुपर 300 बैडमिंटन प्रतियोगिता च भारत दे सतीश कुमार करुणाकरण ते आध्या वैरीयथ होर मिक्सड डबल्स च पुज्जी गे। भारत दे किरण जार्ज अज्ज रातीं सिंगल्स दे प्री-क्वार्टर फाइनल च पुज्जी गे। किरण होरें पैहले दौर च जापान दे ताकुमा ओबायाशी गी सिद्दे सैटें च 21-18, 21-19 कन्नै हराया। सतीश कुमार ते आध्या होरें मलेशिया दी जोड़ी रॉय किंगयाप ते वेलरी सियो गी 21-18, 11-21, 21-19 कन्नै हराया। तोआई साबका चेंपियन किदम्बी श्रीकांत ते लक्ष्य सेन बी मर्दे दे सिंगल्स दे प्री-क्वार्टर फाइनल च पुज्जी गे। श्रीकांत हुंदा मलेशिया दे खडारी जी जिया ली कन्नै ते सेन होर तेयवान दे चीयासिन ली कन्नै मकाबला होग। महिलाएं दे सिंगल्स च पी.वी.सिंधु हुंदा कल दुए दौर च जापान दी टोमोका मियाजाकी हुंदे कन्नै मकाबला होग। महिला डबल्स च भारतीय जोड़ी तनिशा क्रास्टो ते अश्विनी पोनप्पा हुंदा कल मकाबला जापान दी जोड़ी रूई हिरोकामी ते यूनाकाटो कन्नै ते इस्से राउंड च गायत्री गोपीचंद ते तरेसा जोली हुंदा मकाबला प्रिया कोनजगंबम ते श्रुति मिश्रा कन्नै होग।

